

錢鏡湖著

辨證奇聞

科學出版社

R

序

上古言醫所以爲國爲民上而君國下及庶民無非一視同仁是以因病用藥藥無不效後世之人以醫爲養生之道是以心多私欲卽多疵謬此心之與古人不同故耳予雖無大公爲懷之心頗有一視同仁之想束髮受醫長而精進者爲先君子之臥病年餘也不意中年屢受特恩擢爲太醫之使感天恩之難盡思同惠於後人辨證奇聞一書家藏久矣予深受其益詳加刪定分爲十卷付之剞劂用特公諸同世旣可爲同人之一助亦可告不敢私藏之隱願云爾

時道光三年歲次癸未誥授中憲大夫太醫院使加三級錢松自識

室覽閱生學

序

辨證奇聞一書乃太醫院錢鏡湖先生所家藏者其原本不知出於何人之手經錢先生
剞刻傳世其中辨論微妙並附良方細心閱之在精醫者固足以資識見卽未精醫者亦
可辨其證而用其方也惟是原板出於江西前遭兵燹板無復存于遍處尋購卒不可得
爰邀同志捐貲續刻以期廣遠流傳而於醫道不無小補焉

昔光緒五年己卯菊月

鍾志高 周國驥 謹識

01
2337/38

乃出...

一...

辨證奇聞目次

卷上

傷寒門	一	口舌門	一〇四
中寒門	三〇	血症門	〇五
中風門	三五	偏身骨痛門	一八
痺證門	五一	白膏藥	一一
心痛門	五九	五鬱門	二一
脇痛門	六三	咳嗽門	二六
頭痛門	六七	喘門	三一
腹痛門	七一	怔忡門	三三
腰痛門	七五	驚悸門	三六
六陳散	七八	虛煩門	三七
咽喉痛門	七八	不寐門	三九
牙齒痛門	八三	健忘門	四二
鼻淵門	八三	癩癩門	四五
目痛門	九〇	狂病門	四九
耳痛門(附耳聾)	九九	呆病門	五四
		呃逆門	五七

關格門	一六〇	八仙藥酒方	四七
中滿門	一六三	大便閉結門	四七
翻胃門	一六六	小便不通門	五四
膨脹門	一七〇	內傷門	五八
厥症門	一七七	疝氣門	七三
春溫門	一八二	奔豚門	七七
火熱症門	二〇三	陰痿門	七八
暑症門	二一八	痰症門	八二
燥症門	二二八		
痿證門	二三九	婦人科	
消渴門	二四六	帶門	九七

卷下

瘧瘧門	一	調經門	一〇七
汗症門	一〇	受妊門	一五
五疸門	一五	妊娠惡阻門	二三
大瀉門	二三	安胎門	二四
痢疾門	三一	小產門	三一
癥瘕門(即痞塊也)	四一	鬼胎門	三四

難產門	一三五
血暈門	一三九
胞衣不下門	一四一
產後諸病門	一四三
下乳門	一四九

外科

背癰門	一五一
肺癰門	一五七
肝癰門	一六〇
大腸癰門	一六一
小腸癰門	一六四
無名腫毒門	一六六
對口癰門	一六八
腦疽門	一六九
囊癰門	一七〇
腎癰門	一七二
乳癰門	一七三
肚癰門	一七六

多骨癰門	一七六
惡疽門	一七七
疔瘡門	一七八
楊梅瘡門	一七八
腰疽門	一八一
鰓疽門	一八二
脚疽門	一八三
鬢疽門	一八四
唇疔門	一八五
瘰癧門	一八五
痔漏門	一八七
頑瘡門	一九〇
接骨門	一九一
金瘡門	一九三
九龍神針	一九四
降丹靈藥方	一九四
物傷門	一九五
癰門	一九七
刑杖門	一九八

小兒科

驚疳吐瀉門	一九九	痘瘡門	二〇五
便蟲門	二〇四	疹證門	二一三
		喫泥門	二一五
		胎毒門	二一五

辨證奇聞卷上

傷寒門

一冬月傷寒發熱。頭痛汗出口渴。人以爲太陽之症也。誰知太陽而已。過於陽明乎。若徒用乾葛湯以治陽明。則頭痛之症不能除。若徒用麻黃湯以治太陽。則汗出不止。口渴不能解。勢必變症多端。而輕症變爲重症矣。治之法。宜正治陽明。而兼治少陽也。可則蓋邪入陽明。留於太陽者。不過零星之餘邪也。治太陽反傷太陽矣。故太陽不必治。宜正治陽明。蓋陽明爲多氣多血之府。邪入其中。正足大恣其凶橫。譬如賊人突入通都大邑。其搶掠之勢。較窮鄉僻壤者。自是不同。所得之物。轉足以供其跳梁之暴虐。故邪入陽明者。挾其腑之氣血。爲炎氛烈焰者。往往然也。然則治之法。豈可以輕小之劑。遽望其解散之乎。故必須用大劑涼藥。始可祛除其橫暴也。方用石膏一兩。知母二錢。麥冬二兩。竹葉一百。茯苓三錢。甘草一錢。人參三錢。柴胡一錢。梔子一錢。水煎服。一劑而頭痛除。二劑而身熱退。汗止而口亦不渴矣。此卽白虎湯變方。用石羔知母。以瀉其陽明之火邪。用柴胡梔子。以斷其少陽之路徑。尤妙在用麥門冬至二兩。以清補其肺金之氣。使火邪不能上逼。更妙用茯苓引火下趨於膀胱。從小便而出。而太陽餘邪。盡隨之而外泄也。至於人參甘草竹葉。不過取其調和臟腑。所謂攻補兼施也。或懼前方太重。則清熱散。石膏五錢。知母一錢。麥冬一兩。

甘草人參柴胡梔子各一錢。獨活半夏各五分。煎服。

一冬月傷寒發熱。口苦頭痛。饑不欲飲食。腹中時痛。人以爲太陽之症也。誰知是少陽之病乎。夫傷寒未有不從太陽入者。由太陽而入陽明。由陽明而入少陽者。傳經之次第也。何以初入太陽而卽越陽明。而入於少陽耶。人以爲陽經之傳也。而孰知不然。蓋少陽之經。乃膽經也。膽屬木。木最惡金。人身肺屬金。肺主皮毛。風邪之來。肺金先受。肺敗膽木之虛。卽移其邪於少陽。故太陽之症。往往多兼少陽同病者。職此故耳。然則此症。乃二經同感。而非傳經之症也。治之法。似亦宜二經同治矣。而又不然。單治少陽。而太陽之病自愈。方用 柴胡二錢 白芍五錢 甘草一錢 陳皮一錢 黃芩一錢 神麴二錢 白朮三錢 茯苓三錢 水煎服。一劑而熱止。二劑而腹不痛。頭不疼。而口亦不苦矣。此方卽逍遙散之變方也。何以用之以治傷寒。有如此之神乎。不知病在半裏半表之間。逍遙解散實奇。表裏之邪旣解。而太陽膀胱之邪。又何能獨留。況方中原有茯苓白朮以利腰膺。而通膀胱之氣乎。余所以止加神麴黃芩。少解其胃中之火。以和其脾氣。而諸症所以盡除也。此病用舒薄荷二錢

白芍

五錢

甘草

八分

黃芩

一錢

白朮

二錢

茯苓

五錢

桂枝

一錢

水煎服。

一冬月傷寒發熱。口渴譫語。時而發厥。人以爲熱深而厥亦深也。疑是厥陰之症。誰知是太陰之症乎。夫太陰脾土也。脾與陽明胃經爲表裏。表熱而裏亦熱。此乃胃邪移入於脾經也。此等之症。最危最急。蓋人生以脾胃爲主。脾胃盡爲火邪所燦。而腎水有不立時熬

乾者乎。治之法。急宜救脾胃矣。然而救脾則胃火愈熾。救胃則脾土立崩。此中之消息最難。然則終何以救之乎。亦速救夫腎水之乾枯也。方用 元參三兩 甘菊花一錢 熟地一兩

生地更妙。麥冬一兩 芡實五錢 水煎服。此方名爲救枯丹。用元參以散其脾胃浮遊之火。甘

菊花以消其胃中之邪。麥冬以滋其肺中之液。助熟地以生其腎中之水。庶幾滂沱大雨。

自天而降。而大地焦枯立時漫漶。又何旱魃之作祟乎。又恐過於汪洋。加入芡實以健其

土氣。而又仍是腎經之藥。則脾腎相宜。但得其灌溉之功。而絕無侵凌之患。此立方之所

以神也。故一劑而謗語定。再劑而口渴除。三劑而厥亦止。而身亦涼也。此等之症。世人未

知治法。卽仲景張使君亦未嘗談及。天師因鐸之請。特傳神奇治法。以爲傷寒門中之活

命丹也。此症用清土散亦妙 石膏一兩 麥冬一兩 生地一兩 甘草一錢 金銀花五錢 白朮二錢 水煎服。

一冬月傷寒。大汗而熱未解。腹又痛不可按。人以爲邪發於外未盡。而內結於腹中。乃陽

症變陰之症也。余以爲不然。夫傷寒而至汗大出。是邪隨汗而盡出。宜無邪之在中。又何

至有腹痛之生。此乃陽氣盡亡。陰氣盡洩。腹中無陰以相養。有似於邪之內結而作痛。此

陰陽兩亡之急症。不可不知也。夫痛之可按爲虛。不可按爲實。何以此症不可按。而又以

爲虛乎。不知陰陽兩亡。腹中正在將絕之候。不按已有腹痛難忍之時。况又按而傷其腸

胃。安得不重增其苦。所以痛而不可按也。如遇此等之症。急不可緩。方用急救陰陽湯。用

人參二錢 黃芪三錢 當歸四錢 熟地一兩 甘草一錢 白朮五錢 水煎服。一劑而腹痛頓止。身熱

亦解。而汗亦盡止矣。此方用參芪以補氣。使陽回於陰之內。用當歸熟地以補血。使陰攝於陽之中。用白朮甘草和其陽胃。而通其腰膈。使陰陽兩歸於氣海關元。則亡者不亡。而絕者不絕也。倘認是陽症變陰。純用溫熱之劑。加入肉桂乾薑附子之類。雖亦能回陽於頃刻。然內無陰氣。陽回而陰不能攝。亦旋得而旋失矣。此症用散功 人參當歸熟地各一兩。甘草二錢。附子一片。水煎服。

一冬月傷寒。大汗熱解。腹微痛。腰不可俯仰。人以爲邪在腎經未出。欲用薤菴丸。加防己治之。而不知非治也。此乃發汗亡陽。陽虛而陰不能濟之故也。夫陰陽原兩相根也。陰根於陽。無陽則陰不能生。陽根於陰。無陰則陽不能化。此症因汗泄過多。陽氣無多。而陰又自顧不遑。不敢引陽入室。而陽無所歸之途。故行於腹。孤陽無主而作痛矣。腎中之陰。又因陽氣不歸。而孤陰無伴。不敢上行於河車之路。故腰不可俯仰也。方用引陽湯治之。

杜仲一錢 山藥五錢 甘草一錢 茯苓二錢 芡實三錢 人參三錢 肉桂三分 白朮五錢 水煎服。一劑

而腹痛止。再劑而腰輕。三劑而俯仰是釋矣。此方妙在助陽氣之旺。而不去助陰氣之微。蓋陰之所以杜陽者。欺陽氣之衰也。譬如夫婦好合。豈忍永絕夫良人。因其夫不慎。與外侮相爭。焦頭爛額。狼狽逃回。因羞變怒。故杜絕而不許入房。倘其夫得良朋之資益。捆載而歸。見黃金之多。有不色變者乎。吾知必開門而笑迎之矣。予所以單助陽而不去助陰者。實有鑒於斯也。倘用薤菴防己。以重損其陰陽。則夫貧而婦亦貧。彼此成仇。有終身反

目不成爲廢人者幾希矣。此症曠腸湯亦可曠腸

杜仲二錢 山藥二兩 甘草一錢 人參五錢 白朮五錢 破故

紙一錢 水煎服。

一冬月傷寒。大汗氣喘不能息。面如硃紅。口不能言。呼水自救。人以爲熱極。欲用白虎湯。以解其陽明之火也。而不知非其治也。此乃載陽之症。乃上熱而下寒也。若用白虎湯。雖多加人參。下喉卽亡矣。方用入味地黃湯半觔。大鍋煎湯。恣其渴飲。必熟睡半日。醒來汗必止。氣必不喘。面必清白。口必不渴矣。其故何哉。蓋此症原不宜汗。而汗之必致大發其汗。汗既大出。而陽邪盡洩。陽氣盡散。陰亦隨之上升。欲盡從咽喉而外越。以皮毛出汗。而陰氣奔騰。不得盡隨汗泄。故直趨咽喉大路。不可止遏矣。陰既上升。陽又外泄。不能引陰而回於歸源。陽亦隨陰而上。而陰氣遂逼之。而不可下。故氣喘不能息也。且陽既在上。火亦在上者。勢也。況陰盡上升。則腎宮寒極。下既無火。而上火不得歸源。故泛炎於面。而作硃紅之色也。上火不散。口自作渴。呼水自救者。救咽喉之熱。而非欲救腸胃之熱也。夫實熱多成於胃火。而胃熱之病。必多號叫狂跳之狀。今氣雖喘息而寧。口欲言語而不得。非虛熱而何。此眞所謂上假熱而下眞寒也。入味地黃湯。妙在補水之中。仍是補火之藥。下喉之時。火得水而解。入胃之後。水得火而寧。調和於上下之間。灌注於肺腎之際。實有妙用也。夫發汗亡陽。本是傷氣也。何以治腎而能奏功。而不知亡陽之症。內無津液。以致內之沸騰。我大補其眞陰。則胃得之而息其焰。胃火一息。而腎之關門閉矣。腎之關門閉。而

胃之土氣自生。胃之土生氣。而肺金之氣。有不因之而得養者乎。肺氣一生。自然清肅之令行。母呼子歸。同氣相招。勢必下引腎氣。而自歸於子舍矣。腎氣既歸。而腎宮之中。又有溫和春色。以相薰。又得汪洋春水。以相育。則火得水而生。水得火而悅。故能奏功之神且速也。近火湯治熱地三兩山黃肉一兩肉桂三錢水煎服。

一冬月傷寒發厥。面青手冷。兩足又熱。人以爲直中陰寒也。宜用理中湯治之。而不知非其治也。此乃肝氣邪鬱而不散。風邪在半表半裏之間也。若用理中湯治之。必然發狂而死矣。夫直中陰寒之症。未有不從足而先冷者也。今兩足既熱。其非直中肝經明矣。夫邪既不在肝經。似乎不可徑治肝經矣。然而邪雖不在肝經之內。未嘗不在肝經之外也。邪在門外。與主人何豫。而忽現發厥。面青手冷之症耶。不知震鄰之恐。亦有警惕之心。豈賊在大門之外。而主人有不張惶色變者乎。勢必手執鎗刀。而思禦侮之策矣。故此時而能登高號召。或勸諭高呼。賊人知內有防護之人。外恐有應援之士。自然易於解散。潛迹逃遁矣。倘用理中湯。是用火攻以殺賊。賊未擒燒。而房舍先焚。賊且乘火而突入於中庭。必至殺主人而去矣。然則治之法。用小柴胡湯加減。以散其半表半裏之邪。而肝氣自安。外邪化爲烏有。方用柴胡二錢白芍五錢甘草一錢當歸五分黃芩一錢半夏一錢水煎服。一劑而手溫。再劑而厥止。身熱盡除。而面青自白矣。

一冬月傷寒。身熱汗自出。惡寒而不惡熱。人以爲陽明之症也。欲用石膏湯治之。而不知

此症非陽明之病也。夫人以爲陽明之餘熱未解也。而予以爲不然。夫譫語雖屬胃熱。然胃熱譫語。其聲必高。拂其意必怒。今但譫語而低聲。非胃熱也。但既非胃熱。何以口中作渴。欲飲水以自救耶。然口渴飲水。水不能化。痰上湧。反直走膀胱。而小便自利。其非胃熱又明矣。夫陽明火盛。多致發狂。今安然欲臥。豈是胃熱之病。但既不是胃熱。何以譫語口渴之不解。至於五六日而猶然耶。不知此症乃心虛之故也。心虛則神不守舍。而譫語心虛。則火起心包。而口渴。夫心與小腸爲表裏。水入心。而心卽移水於小腸。故小便自利也。治之法。用 茯苓 五錢 麥冬 一兩 丹皮 二錢 柴胡 一錢 甘草 五分 水煎服。一劑而譫語止。二劑而口渴除。身之熱亦解矣。此方名爲清熱散。用麥冬以補心。用茯苓以分消火熱。用柴胡丹皮甘草。以和解其邪氣。心氣足而邪不能侵。邪盡從少陽以泄出。而心中寧靜。津液自生。故渴除而腎氣上交於心。而臥自長。亦不思臥矣。倘疑爲胃熱。或用白虎。或用青龍之湯。鮮不敗衄矣。涼解湯亦可用 茯苓 三錢 麥冬 五錢 元參 一兩 柴胡 一錢 甘草 三分 炒棗仁 二錢 水煎服。

一冬月傷寒。至五六日。往來寒熱。胸脇苦滿。或嘔或吐。或渴或不渴。或煩或不煩。人以爲少陽之病也。宜用小柴胡湯和解之。夫小柴胡湯。治少陽邪之聖藥。用之似乎無不宜也。以少陽居於表裏之間。邪入而併於陰。則寒。邪出而併於陽。則熱。故疾結於胸而苦滿。欲吐不吐。欲渴不渴。而煩悶生矣。用柴胡湯以解之。自易奏功。然而止可一用。而不可常用。

也。其故何哉。蓋少陽膽木。最喜者水耳。其次則喜風。柴胡風藥。得之則解慍。然日以風藥投之。雖枝葉條達。而終有乾燥之虞。一旦以大雨濟之。則鬱鬱葱葱。其扶疎青翠爲何如耶。故用柴胡湯之後。必須用補水之劑。以濟之。方用濟生湯。熟地五錢元參五錢麥冬三錢山茱萸一錢山藥三錢茯苓二錢白芍三錢柴胡五分神麴三分竹茹一圓水煎服。一劑而煩滿除。再劑而寒熱止。三劑而前症盡失也。此方多是直補腎水之味。直補其膽木之源。則膽汁不枯。足以禦邪而有餘。况又加入白芍柴胡。仍散其半表半裏之邪。安得不收功之速乎。倘疑傷寒之後。不宜純用補腎之藥。恐胃氣有傷。難以消化。不知少陽之症。由太陽陽明二經傳來。火燥水涸。不但肝汁爲邪所逼。半致熬乾。而五臟六腑。盡多炎燄。是各經無不喜盼霖雨。非惟少陽膽水經而喜水也。然則用補水之藥。正其所宜。又何至有停隔之虞哉。此症用和陽散亦妙柴胡一錢白芍一兩生地五錢元參三錢麥冬二錢茯苓二錢竹茹一圓白芥子一錢水煎服。

一冬月傷寒。發熱至六七日。晝則了了。夜則譫語。如見鬼狀。按其腹。則大痛欲死。人以爲熱入血室也。而不知非止熱入血室也。雖亦因經水適來。感寒而血結。故成如瘧之狀。然而未傷寒之前。原有濕熱化血。包其食而爲瘧母也。論理小柴胡湯爲正治。然而小柴胡湯止能解熱。使熱散於血室之中。不能化食。使食消於血塊之內。予有一方。最神。治熱入血室。亦正相宜。可同治之也。方名兩消丹。用柴胡二錢丹皮五錢鱉甲三錢山查肉一錢枳

壳五分炒梔子二錢甘草一錢白芍五錢當歸三錢桃仁十粒水煎服。一劑而痛輕。二劑而鬼

去。謗語亦止。腹亦安然。杳無寒熱之苦矣。蓋此方既和其表裏。而血室之熱自解。妙在用

驚甲。盡攻於血塊之內。以清其宿食。所爲直搗中堅。而瘧母何所存立。以作祟乎。服吾藥

實可作無鬼之論也。此症用清白飲治之亦妙丹皮三錢柴胡二錢前胡二錢白芍一兩驚甲五錢人參一錢

半夏一錢甘草一錢青皮二錢炒梔子二錢茯苓三錢當歸三錢水煎服。

一冬月傷寒。項背強。幾幾汗出惡風。服桂枝加乾葛治之而不愈。人以爲太陽陽明合病。

舍前方。又將用何藥以治之。而不知不可執也。夫太陽之邪。既入陽明。自宜治陽明。不

必又去顧太陽也。況於葛根湯中。仍用桂枝以祛太陽之邪乎。是太陽之邪輕。而陽明之

邪重矣。方用竹葉石羔湯。以瀉陽明之火。而前症自愈。但不必重用石膏也。余定其方。

石膏三錢知母八分半夏一錢麥冬三錢竹葉五十片甘草一錢水煎服。一劑而汗止。再劑而項

背強幾幾之毒盡去。而風亦不畏矣。倘必拘執仲景方法。而仍用桂枝加葛湯。雖病亦能

癒。而消燦津液亦多矣。予所以更示方法。使治傷寒者。宜思變計。而不可死於古人之文

內也。此症用清胃湯亦佳元參五錢生地五錢知母二錢半夏一錢甘草五分水煎服。

一冬月傷寒。頭痛幾幾下利。夫頭痛太陽之症也。幾幾陽明之症也。是二經合病無疑。似

乎疑兩解其邪之爲得。然而不可兩治之也。正以其下利耳。夫陽明胃土也。今挾陽明胃

中之水穀而下奔。其勢欲驅邪而盡入於陰經。若不先治陽明。而急止其利。則陽變爲陰。

熱變爲寒。其害有不可言者矣。方用解合湯治之。葛根二錢 茯苓五錢 桂枝三分 水煎服。一劑而利止。二劑而頭痛幾幾之病頓愈者。何也。蓋葛根乃太陽陽明同治之聖藥。況又加入桂枝。原足以散太陽之邪。而茯苓不獨分消水勢。得桂枝之氣。且能獨趨於膀胱。夫膀胱正太陽之本宮也。得茯苓澹泄。而葛根亦隨之同行。祛逐其邪。盡從小便而出。小便利而大便自止矣。此不止利而正所以止利。不瀉陽明。正所以瀉陽明。兩解之巧。又孰能巧於此者乎。此予之所以爲不必兩治。而止須一治之也。此症用葛根桂枝人參一錢 水煎服。葛根三錢 桂枝五分

一冬月傷寒。六七日後。頭疼目痛。寒熱不已。此太陽陽明少陽合病也。而治之法。不可合三陽經而統治之。然則終治何經。而三陽之邪盡散耶。夫邪之來者。太陽也。邪之去者。少陽也。欲去者而使之歸。來者而使之去。必須調和其胃氣。胃氣一生。而陽明之邪自孤。勢必太陽少陽之邪。盡趨陽明以相聚。而我正可因其聚而亟使之散也。譬如賊人分散於四方。自然擒剿甚難。誘其蟻會於一城。而後合圍守困。可一舉而受縛也。方用破合湯。石膏三錢 葛根三錢 茯苓三錢 柴胡一錢 白芍三錢 陳皮一錢 甘草一錢 水煎服。此方治陽明者十之七。治太陽者十之一。治少陽者十之二。雖合三經同治。其實仍端治陽明也。故一劑而目痛愈矣。再劑而頭疼除矣。三劑而寒熱解矣。此皆胃氣生之故。而奏功所以甚速也。倘不治陽明。而治少陽。則損傷胃氣。而少陽之邪。且引二經之邪。盡遁入於陰經。反成變